



Samningur um umsjón og rekstur friðlýstra svæða

Umhverfisstofnun og Vatnajökulspjóðgarður gera með sér svofeldan samning um umsjón og rekstur friðlýstra svæða með vísun í 30. gr. laga um náttúruvernd nr. 44/1999.

1. gr.

Samningurinn tekur til umsjónar og rekstrar á eftirfarandi friðlýstum svæðum:

Dettifoss, Selfoss og Hafragilsfoss og nágrenni í Öxarfjarðarhreppi skv. auglýsingu nr. 457/1996
Herðubreiðarfriðland skv. auglýsingu nr. 272/1974.
Askja í Ódáðahrauni skv. auglýsingu nr. 194/1978.
Hvannalindum skv. auglýsingu nr. 32/1973.
Lónsöræfi skv. auglýsingu nr. 31/1977.
Kringilsárrana, Norður-Múlasýslu skv. auglýsingu nr. 181/2003.

Með samningi þessum lýsir Vatnajökulspjóðgarður því yfir að hann muni framfylgja friðlýsingarskilmálum eins og þeim er lýst í viðeigandi auglýsingum. Umsjón og rekstur svæðanna skal vera í samræmi við auglýsingar um friðlýsingu hvers svæðis.

2. gr.

Leyfi til framkvæmda

Komi ekki annað fram í friðlýsingu þarf leyfi Umhverfisstofnunar til framkvæmda þar sem hætta er á að spillt verði friðlýstum náttúruminum sbr. 38. gr. laga um náttúruvernd nr. 44/1999.

3. gr.

Almenn ákvæði

Við landvörslu skal þess gætt að ráða ef við á aðila með menntun landvarða.

Vatnajökulspjóðgarður hefur umsjón með og rekur hin friðlýstu svæði sbr. 1. gr. og ber Umhverfisstofnun engan kostnað vegna þeirra.

4. gr.

Eftirlit

Umhverfisstofnun hefur eftirlit með því að Vatnajökulspjóðgarður uppfylli samningsskuldbindingar sínar. Vatnajökulspjóðgarður ber að skila eigi síðar en 1. október hvers árs skýrslu um umsjón og rekstur á þeim svæðum sem falla undir samning þennan.

5. gr.
Gildistaka

Samningur þessi öðlast þegar gildi.

F.h. Vatnajökulsþjóðgarðs

Auna K. Ólafsdóttir

F.h. Umhverfisstofnunar

Kristín L. Arnadóttir

Umhverfissráðuneytið, 6. júní 2008.

Þórunn Sveinbjarnardóttir

Þórunn Sveinbjarnardóttir